



Bosna i Hercegovina
Federacija Bosne i Hercegovine
GRAD ZENICA

Trg BiH 6 72000 Zenica
telef 032 283 111, Načelnik telef 032 401 215, fax 032 402 476

Broj: 02-23-11353/15
Zenica, 10.06.2015.godine

**Bosna i Hercegovina
Federacija Bosne i Hercegovine
Federalno ministarstvo okoliša i turizma
n/r g. Mladen Rudež**

SARAJEVO

PRIMJEDBE I PRIJEDLOZI
*na radnu verziju Rješenja o okolinskoj dozvoli za pogone
i postrojenja Čeličane BOF i EAF-100t*

Imajući u vidu zaključke sa radnog sastanka od 27.05.2015.godine održanog u sjedištu Gradske uprave Zenica dostavljamo slijedeće primjedbe i prijedloge na radnu verziju Rješenja o okolinskoj dozvoli za pogone i postrojenja Čeličane BOF i EAF-100t operatora „ArcelorMittal“ Zenica d.o.o.:

1. U poglavlju 6. tabela 4. Pregled realizacije mjera iz prethodne okolinske dozvole tačke 3.1. (tehničko-tehnološke mjere prilagođavanja propisima F BiH i BAT) konstatuje se da je na postrojenjima BOF-a izvršena rekonstrukcija i stavljen u funkciju sistem za otprašivanje u miksterskom odjeljenju i da su postignuti zadovoljavajući rezultati. Međutim, stvarni efekti nisu zadovoljavajući.

Zahtjev je da se poveća stepen zahvata na miksterskom postrojenju jer se sumnja da su realizacijom ovog projekta postignuti očekivani efekti.

2. U istom poglavlju 6. tačka 3. 4. konstatuje se da je sistem za otprašivanje konvertorskog gasa je rekonstruiran i stavljen u funkciju...

Zahtjev je da se u procedurama izdavanja nove okolišne dozvole izvrši provjera stepena efikasnosti na realizovanom projektu otprašivanja na BOF Čeličani.

3. Za sve mjere zaštite okoliša sadržane u Tabeli 5. potrebno je skratiti rokove odnosno iste svesti u realne vremenske okvire uzimajući u obzir štetni uticaj emisija iz pogona i postrojenja ArcelorMittala na nivo zagađenosti zraka u Zenici, te nužnost djelovanja u objektivno najkraćim rokovima.

4. U tabeli 5. „mjere zaštite okoliša“ potrebno definirati striktnu obavezu ArcelorMittal za realizaciju projekta iskorištenja toplote tehnološke pare na kotlovima Čeličane BOF, s ciljem povećanja stepena energijske efikasnosti što će direktno uticati na ukupno smanjenje emisija iz pogona ArcelorMittala, te skratiti rok za realizaciju.

5. Zahtjevamo da Federalno ministarstvo okoliša i turizma kao nadležno ministarstvo za izdavanje okolinskih dozvola u Sali Gradskog vijeća Zenica organizuje prezentaciju i javnu raspravu o konačnoj radnoj verziji Rješenja o izdavanju okolinske dozvole za pogone i postrojenja Čeličane BOF i EAF-100t.

U slučaju da Federalno ministarstvo ne prihvati zahtjev za organizovanje javne rasprave o konačnoj radnoj verziji okolinske dozvole za Čeličanu BOF i EAF-100t predložimo da isti sa relevantnom dokumentacijom dostavi Upravi Grada koja će organizirati javnu raspravu u ovisnosti od nivoa prihvaćenih primjedbi i prijedloga dostavljenih na radnu verziju Rješenja.

DOSTAVLJENO:

1x Naslov

1x U spis.



GRADONAČELNIK
Husejin Smajlović